



Il tschun cumpogns sursilvans, da sen. Fabian Sgier, Sammy Schmid, Armin Candrian, Remo Derungs ed Andri Arpagaus.

FOTOS AUGUSTIN BEELI

## Mintga meins ina sorpresa

Sin plaun naziunal ein els enconuschents cun lur song «147 Täg». Varga 1000 fans teidlan mintga gi quel silla app da Spotify. Igl ei denton buca tut quei che la band NoFuture porscha. Il project actual cuoza in entir onn e punct culminont ei gl'avrel 2023.

AUGUSTIN BEELI/FMR

Lur song dalla Henrietta ei cumpariu il 2011. Igl ei la canzun romontscha da No Future, ella s'auda tier gl'album «il mument». Henrietta ei in longseller che biars enconuschans. Aunc pli enconuschents ei il tetel «147 Täg». Quasi mintgin che fa militer en Svizra enconuscha il «himni» dils recruts ch'ei sfurzai da far militer. 147 ei l'ovra da No Future, e quei ein il fundatur, cantadur e ghitarist *Samy Schmid* ed *Armin Candrian* il responsabel dalla «cuschina», la batteria dalla band. *Fabian Sgier* da Sevgein, il posainist e keyboarder, ed *Andri Arpagaus* da Ladir che suna il bass completeschan il quartet.

### Exercitar sin distanza

La band exista dapi 2001, lu ha ella retschert il num «No Future». Quei ch'il num sugerescha ei buca schabegiau: Il zercladur 2022 eis ella aunc adina cheu. No Future datti vinavon, la band ha effectivamein in futur. Con gitg, laian els aviart. «Schi gitg che nus havein plascher da far musica ensemen», manegia Armin Candrian. El e ses treis cumpogns ein motivai, els s'entaupan duas gadas ad jamna per exercitar en lur local ella zona d'industria a Glion. Andri Arpagaus e Fabian Sgier san buca esser dalla partida mintga gada, omisdus ein secasai giu la Bassa, Andri a Schaffusa, Fabian a Thun.

All'entschatta sunava No Future – sco biaras autras – in stil diraglia, ina mischeida da ska-punk, reggae e crossover. El decuors dils onns ein els vegni – sco in bien caschiel ni in bien vin – pli madirs. Ils songs paran propi buca mo tocanagls explosivs. Ch'ils quater cumpogns san far musica ensemen, malgrad la distanza, ei dil reminent negin problem. La digitalisaziun lubescha quei. Pigl album niev ha la band gudignau *Remo Derungs* sco tschunavel commember. El contribuescha culla trumpet-



La band en acziun, sin tribuna a Flem.

ta e dat cheutras sia atgna nota alla musica d'in stil semegliont al funk. Pils texts en engles e tudestg grischun ei Sammy Schmid responsabels. Il cantadur e ghitarist ei creativ. Quei han ins udiu ed encurschiu sonda a caschun dil concert el center da sport Prau la Selva.

Actualmei ei la band occupada cun in project innovativ. No Future ha registrau siu quart album cul tetel «XII». Ils 12 tetels presenta la band denton mo cun 12 buccadas. La cefra romana XII ha in motiv. «Mintga meins presentin nus ina canzun nova, gl'avrel 2023 vegnin nus lu a battegiar gl'entir album», declara il batterist Armin Candrian.

### Ins capescha mintga plaid

Gl'emprent tetel digl album niev han els publicau ils 20 da matg 2022. Il song senumna «Nüm Allai» ed ha connex cull'energia positiva che la band vul derasar. «Nossa societad ei confruntada cun bia negativ e dramas. Perquei vulein nus rumper e dar empau glisch en quei temps», declara Sammy Schmid. Ils 17 da zercladur ei il se-

cund song «Numanumanand» cumpariu. Quel sereferescha al survetsch militer ed al song da success «147». Melodia e text domineschan, buca exnum il ritmus. Ins capescha mintga plaid. Ins savess cumparegliar il stil cun quel da 77 Bombay Street. Culla differenza ch'els texts ein tuts en dialect tudestg grischun. Dat ei er in tetel romontsch? «Samy Schmid ei gl'autur dils texts, e siu lungatg mumma ei il tudestg», ei la risposta.

Gl'album sedistingua cun ina specialitad: «Mintgin dils 12 songs cuntegn stuors», explichescha Armin Candrian. Fabian Sgier suna la posauna, e Remo Derungs, il commember hospitant, la trumpetta. Remo Derungs ha era sunau silla tribuna el Prau la Selva a Flem. El ha fatg endament il virtuos trumpetist american Louis Armstrong. Tgei sorpresa astg'ins spitgar ils 16 ni 17 da fenadur cul tierz song? Il tschun cumpogns sursilvans tradeschan nuot. Gl'album ha No Future dil reminent produciu egl enconuschent studio da musica Powerplay a Turitg.

Dapli informaziuns: [www.nofuture.ch](http://www.nofuture.ch).